

樂平縣志卷十三

秩官志 名宦

知縣

吳

韓 當字義公遼西令支人吳王命討平山越因置樂安縣

以為長甚有惠政後以功封石城侯遷昭武大將軍

按孫策東渡從討三郡遷先登校尉授兵二千從征

劉勳破黃祖還討番陽領樂安長山越畏服 吳書

唐

柳 尹中和間任黃巢黨黃揆縱焚邑治尹拒勦不克死之

樂民立廟樂安祀之今廢

宋

毛抗字國華號彥澤浙衢江山縣人嘉祐五年以大理寺丞任著惠政熙寧七年爲本路運使有愷悌之德官民兩立石紀頌遺愛至今後裔繁衍家於邑之石溪建祠祀之

范鏐熙寧三年三月以秘書任宋興百餘年邑未有學宮鏐既視事喟然曰邑之缺典孰大於此遂度地爲之鏐治邑有異政恩信洽民秩滿士民獻其蹟于當路當路上之朝復留三年以惠慰衆心

許幾字先之貴溪人元豐六年八月以袁州軍事推官任初爲主簿以廉幹聞考滿就昇縣事會朝廷變科舉制黜詞章崇經術士非所素習上太常率不第幾因熙寧建學增闢之日以經課士士歸指授爲文率有法自是科不乏人其爲政不以吏追民不以獄委吏視濬陂池爲公務嘗

與僚佐分任之至練塘則自任之其功力浩穰也民德之刻石以記治行爲江東第一在邑七年仕至戶部尚書王輔世崇寧元年六月任以德服民政成訟簡民懷遺愛鄭如密乾道八年正月以右通直郎任政平訟簡得上下懽心重建縣廳六百五十楹内外一新民不告勞

徐木淳熙十六年十二月以朝散郎任廉能勤慎漕使真德秀荐章云愷悌之聲爲本路縣宰之冠

楊簡字敬仲慈谿人乾道五年進士紹熙三年以奉議郎任病學宮陋且敝慨然曰是教化之原可一日緩乎諭邑人相與新之語學者曰國家設學校所以養人材而進科目非文具而已乃講吾道章云人性至善至靈至廣大至高明人所自有不待外學有感其言而泣下者邑初有惡

